



UNIVERSITETI "KADRI ZEKA" UNIVERSITY GJILAN

Adresa: Rr. Zija Shemsiu, p.n., 60000 Gjilan, Republika e Kosovës

www.uni-gjilan.net tel. +381 (0) 280390112

Ref. nr. 02/681

Datë: 24 / 03 / 2021

Në mbështetje të nenit 23, paragrafi 1, nënparagrafi 1.3 të Statutit të Universitetit Publik "Kadri Zeka" Gjilan, Këshilli Drejtues në mbledhjen e XXVII të mbajtur më 19.03.2021 miraton këtë:

**RREGULLORE PËR THEMELIMIN, ORGANIZIMIN DHE FUNKSIONIMIN E
KLUBEVE STUDENTORE NË UKZ**

Neni 1

Misioni dhe përcaktimet themelore të KS

1. Klubet Studentore (më tej KS) janë organizime vullnetare të studentëve të UKZ-së dhe kanë si qëllim aktivizimin e studentëve në programe jashtë mësimore me karakter shkencor, profesional, social dhe kulturor.
2. KS themelohen rreth një aktiviteti të caktuar profesional dhe tubojnë studentë të UKZ-së, pavarësisht fakultetit ku ata studiojnë.
3. Më së paku pesëmbëdhjetë (15) studentë mund të themelojnë një KS.
4. KS regjistrohen në Zyrën e Sekretarit të UKZ-së dhe marrin një certifikatë regjistrimi, në të cilën shënohet emri i klubit, fusha e aktivitetit të tij, anëtarët themelues dhe mentori (udhëheqësi) i klubit.
5. Anëtarët dhe mentori i KS konfirmohen çdo vjet, në datat 20-30 nëntor.
6. Anëtarë të KS mund të jenë edhe pjesëtarë të stafit akademik të UKZ-së.

Neni 2

Aktiviteti i KS

1. Aktivitetet e KS janë, pa u kufizuar vetëm:
 - a. Ta ndihmojnë zhvillimin dhe përhapjen e kulturës akademike, nxitjen e mendimit kritik dhe të shpirtit të ndërmarrësisë, kulturën për një shoqëri virtuale dhe globaliste, kulturën për shkencë dhe rolin e saj në zhvillimin e shoqërisë, si dhe kulturën universitare si qasja më e mirë në tregun e hapur të punës.
 - b. Të mbledhin rreth vetes studentët e interesuar për një aktivitet akademik jashtë procesit mësimor dhe të zhvillojë në grup aktivitete dhe gara universitare e jashtë universitare për fushën në të cilën vepron.
 - c. Të organizojnë aktivitete njohëse, ligjëruese, garuese, me qëllim të përhapjes sa më të madhe të fushëveprimtarisë së vet.
 - d. Të organizojnë kurse për studentë që kanë nevojë për përkrahje në fushën ku vepron KS.
 - e. Të realizojnë publikime jopublicitete për përhapjen e kulturës së fushëveprimit të tij.

Neni 3

Administrimi dhe udhëheqja e KS

- a. KS mund ta kenë vulën e vet të rumbullakët, në të cilën shënohet emri i KS dhe viti i themelimit, ndërsa në mes të vulës me shkronja të mëdha shkruhet UKZ.
- b. Sekretari i përgjithshëm i UKZ-së kujdeset që të vërë në dispozicion të KS një zyrë të përhershme dhe hapësira të tjera për aktivitete.

Neni 4

Veprimtaria e KS është publike

1. Takimet, vendimet dhe problemet diskutohen në Kuvendin e Klubit, me praninë e të gjithë anëtarëve të një klubi.
2. Kuvendi i Klubit mbahet së paku dy herë gjatë vitit akademik: 1-10 të dhjetorit dhe 1-10 marsit.
3. Vendimet merren me shumicën e votave të të pranishmëve.
4. Votimi publik në prani të anëtarëve të një klubi është vendim përfundimtar.
5. Në rast të mosmarrëveshjes procedurale KS i drejtohet me shkrim ose me gojë Sekretarit të Përgjithshëm, i cili ndihmon në interpretime të procedurave.

Neni 5

1. Një KS e udhëheq një mentor i zgjedhur nga vetë anëtarët e një KS.
2. Mentorët e të gjitha KS e përbëjnë Këshillin Mbikëqyrës të KS, i cili mund të takohet dy herë brenda vitit akademik për të koordinuar aktivitetet midis klubeve të ndryshme në rast nevojë dhe për të koordinuar kalendarin e aktiviteteve vjetore.
3. Në Këshillin Mbikëqyrës të KS merr pjesë rregullisht edhe një prorektor i emëruar nga Rektori.
4. Secili KS bën një Plan Veprimi vjetor, të cilin e miraton në Kuvendin e Klubit.

Neni 6

Financimi i KS


1. Veprimtarinë e tyre KS e zhvillojnë vullnetarisht.
2. KS mund të kërkojnë nga KD i UKZ-së financimin e pjesshëm apo të plotë të projekteve të tyre.
3. Kërkesat për projekte bëhen dy herë gjatë vitit akademik: 1-10 të dhjetorit dhe 1-10 marsit.
4. KS mund të financohen edhe prej burimeve të tjera publike, si dhe nga donatorët.
5. Menaxhimi, shpenzimi dhe kontrollimi i fondeve të alokuara nga KD i UKZ-së bëhet sipas ligjeve në fuqi dhe kontrollohen nga zyrat përkatëse të UKZ-së dhe regjistrohen në raportet e rregullta të UKZ-së.

Neni 7

Kjo rregullore hyn në fuqi me aprovimin e tij në KD të UKZ-së.



Kryesues i Këshillit Drejtues


MSc. Ibrahim Kösuni